



28 D'ABRIL

DÍA INTERNACIONAL DE LA SEGURIDÁ Y SALÚ NEL TRABAYU

¿TRABAYAR PA VIVIR

O VIVIR PA TRABAYAR?



OLIVIA MOLLY

Pol cumplimientu del RD sobre
COEFICIENTES REDUCTORES.

¿TRABAYAR PA VIVIR O VIVIR PA TRABAYAR?

El día 28 d'abril celebrase'l Día Mundial de la Seguridad y la Salú nel Trabayu. Dende **CGT** quixímos dedicalo anguaño a reivindicar l'aplicación inmediata por parte del Gobiernu del Rial Decretu sobre coeficientes reductores de la edá mínima de xubilación.

Esti Rial Decretu establez que p'aquelles actividaes o grupos profesionales, nes escales, categoríes o especialidaes que los sos trabayos sían de naturaleza especialmente penosa, tóxica, peligrosa o insalubre y qu'acusen elevaos índices de morbilidad o mortalidá va poder acordase que la edá mínima pa la xubilación pueda rebaxase.

Esti RD ye del añu 2011, foi aprobáu pol gobiernu de Zapatero y dende entós nun se fixo nada. Nin Rajoy nin Sánchez movieron hasta agora un solu deu por que se dea cumplimientu a la normativa que dexaría que munchos miles de persones algamen la edá de xubilación antes y con tolos sos derechos íntegros. Curiosamente namái un coleutivu tien vistu atendíes les sos reclamaciones: la policía local.

Nun ye de recibu que, mentanto, persones que tán trabayando espuestes a elementos nocivos pa la salú como l'amiantu, y que previsiblemente van ver encurtiada la so vida, se xubilen a la edá ilegal, nin tampoco lo ye que quien facen trabayos penosos o peligrosos como los relativos a la fabricación de fierro y aceru, al sector petroquímicu, la estinción de quemes forestales, quienes conducen tresportes públicos, quienes faigan trabayos repetitivos y mecánicos y un llargu etcétera se vean obligaos a xubilase más tarde.

Nel RD establécense los requisitos que tienen de cumplir los y les trabayadores por que se-yos apliquen los coeficientes reductores de la so edá de xubilación, l'entamu del procedimientu, la so tramitación y quién pueden solicitar la so aplicación. Tamién esclaria qué Alministraciones y Organismos son los encargaos de facer los estudios y tramitar les solicitúes. Lluéne de da-y cumplimientu, paralizáronse los estudios d'un bon númberu d'expedientes que yá taben en trámite, o diréutamente otros nun son almitíos al imponer requisitos que nun figuren na normativa.

Dende **CGT** esiximos al actual gobiernu que, de manera inmediata, tramite tolos expedientes presentaos y dote a la Seguridad Social de los recursos económicos y humanos abondos por que se rialicen los estudios necesarios pa l'aplicación de los coeficientes reductores, y se dea treslláu de les resultancies al Congresu los Diputaos pa l'aprobación de la normativa que dexa l'aplicación del amenorgamientu na edá de xubilación que resulte de los estudios. Tamién tienen d'incluyise nos próximos Presupuestos Xenerales del Estáu les partíes presupuestaries necesaries pa encarar les xubilaciones que se produzan.

Dende **CGT** vamos esixir el so cumplimientu pela vía xudicial, pero tamién na cai, reivindicando daqué tan básicu como que queremos trabayar pa vivir y nun vivir pa trabayar.

Pol cumplimientu del RD sobre COEFICIENTES REDUCTORES